

# Ranking 4 universiti awam meningkat

» Senarai penarafan bukti lima universiti penyelidikan sedia pendidikan berkualiti

Oleh Haspaizi Mohd Zain  
haspaizi@bh.com.my

Kuala Lumpur

Ranking empat universiti awam di negara ini menunjukkan peningkatan membanggakan melalui penarafan dibuat oleh QS University Ranking: Asia, sekali gus membuktikan peningkatan mutu pendidikan tinggi negara.

Empat universiti itu ialah Universiti Malaya (UM), Universiti Sains Malaysia (USM), Universiti Teknologi Malaysia (UTM) dan Universiti Putra Malaysia (UPM). Manakala kedudukan Universiti Kebangsaan Malaysia (UKM) kekal.

Melalui ranking yang dikeluarkan QS University Ranking: Asia itu, kedudukan UM meningkat daripada tangga 32 ke 29, USM 57 ke 49, UTM 66 ke 61, UPM 76 ke 66, manakala UKM kekal pada kedudukan 56.

Penarafan yang dibuat bermula tahun 2009 itu menjadikan lima universiti penyelidikan negara itu berada dalam kelompok antara 500 universiti terbaik di rantau Asia.

Bagi ranking subjek pula, subjek Perbankan Islam, Universiti Islam Antarabangsa Malaysia (UIAM) diiktiraf sebagai terbaik di dunia, subjek Sains Alam Sekitar USM (31 terbaik dunia) dan subjek Sains Pembangunan UM tangga 32 dunia.

**Mutu pendidikan berkualiti**  
Menteri Pendidikan II, Datuk Seri Idris Jusoh, berkata keputusan itu



Kedudukan Universiti Malaya meningkat daripada tangga 32 ke tangga 29.

sememangnya menjadi kebanggaan buat negara dan membuktikan mutu pendidikan negara yang berkualiti.

“Prestasi universiti negara kita meningkat dalam setahun dua ini dalam semua bidang, penarafan negara, subjek ranking dan kebanyakan subjek kita berada dalam kelompok sepuluh terbaik dunia.

“Setiap tahun berlaku peningkatan yang kita namakan sebagai peningkatan berterusan. Dalam masa dua tahun akan ada uni-

versiti kita berada dalam kelompok 100 terbaik di dunia,” katanya ketika ditemui di sini, semalam.

Idris sebelum itu berucap pada sesi Taklimat Peningkatan Berterusan: Transformasi dan Kejayaan Pendidikan Malaysia di Pertubuhan Berita Nasional Malaysia (BERNAMA).

Yang turut hadir, Pengerusi BERNAMA, Datuk Abdul Rahman Sulaiman.

Sementara itu, Idris berkata, program Ketua Pegawai Eksekutif (CEO@universiti) yang akan menampilkan tokoh terkemuka negara akan bermula hari ini di Universiti Teknologi MARA (UiTM).

“Program ceo@universiti akan dimulakan dengan Pengarah Eksekutif Brainy Bunch Islamic Montessori, Datuk Seri Syed Zainal Abidin Syed Mohd Tahir dan selepas itu akan disusuli dengan tokoh lain,” katanya.

Untuk komen,  
hantar e-mel menerusi  
bhnews@bh.com.my  
atau di laman Facebook  
BH Online



Bagi ranking subjek pula, subjek Perbankan Islam, UIAM diiktiraf sebagai terbaik di dunia.

INFO

Senarai universiti Malaysia di kedudukan 300 terbaik seluruh Asia Tahun 2015 yang dikeluarkan oleh QS University

2015	2014	UNIVERSITI	SKOR KESELURUHAN
29	32	Universiti Malaya	84.8
49	57	Universiti Sains Malaysia	69.4
56	56	Universiti Kebangsaan Malaysia	66.4
61	66	Universiti Teknologi Malaysia	64.5
66	76	Universiti Putra Malaysia	63.4
151-160	145	Universiti Islam Antarabangsa Malaysia	42.1
151-160	191-200	Universiti Teknologi Petronas	41.2
191-200	201-250	Universiti Utara Malaysia	35.7
201-250	201-250	Universiti Teknologi MARA	34.5
201-250	201-250	Universiti Malaysia Sabah	32.8
201-250	201-250	Universiti Malaysia Perlis	31.7
201-250	201-250	Universiti Multimedia	31.3
201-250	201-250	Universiti Malaysia Sarawak	30.9
201-250	-	Universiti Taylor	29.7
251-300	251-300	Universiti Malaysia Pahang	27.4
251-300	251-300	Universiti Tun Hussein Onn Malaysia	25.6
251-300	251-300	Universiti Teknologi Kreatif Limkokwing	25.3
251-300	251-300	Universiti Malaysia Terengganu	25.3
251-300	251-300	Universiti Tenaga Malaysia	24.8
251-300	301+	Universiti UCSI	24.2
251-300	301+	Universiti Tuanku Abdul Rahman	23.6

INFO

Kedudukan Universiti Awam Malaysia

**Fakulti** 26 dalam 200 terbaik dunia

**Subjek** Sains Pertanian

**UPM** Universiti Putra Malaysia  
■ ke-54 Dunia  
■ Terbaik Asia Tenggara

Sains Alam Sekitar

**USM** Universiti Sains Malaysia  
■ ke-31 Dunia  
■ Terbaik Asia Tenggara

Sains Pembangunan

**UNIVERSITY OF MALAYA** Universiti Malaya  
■ ke-32 Dunia

Perbankan Islam

**UIAM** Universiti Islam Antarabangsa Malaysia Malaysia  
■ Terbaik Dunia